

Y Cynllun Symleiddio i Fyfyrrwyr Myfyrwyr Nyrsio



	Cwestiynau	Ymateb
1	Sut mae'r broses hon yn gweithio?	Cewch chi wahoddiad trwy e-bost i greu cyfrif ar Gynllun Paru'r Cynllun Symleiddio i Fyfyrrwyr. Pan fyddwch yn mewngofnodi i'r system, bydd modd ichi greu ffurflen gais a dewis pa swyddi yr hoffech chi eu gwneud. Wedyn bydd modd eu rhestru yn ôl yr un yr hoffech ei gwneud fwyaf i'r un yr hoffech ei gwneud leiaf. Bydd y sefydliad GIG / Bwrdd Iechyd wedyn yn mynd ati i ystyried eich cais ynghyd â cheisiadau myfyrwyr eraill a nododd yr un dewisiadau. Byddant wedyn yn graddio'r ffurflenni cais hyn yn nhrefn addasrwydd ar gyfer y rôl. Bydd Algorithm y Cynllun Paru wedyn yn cymryd yr wybodaeth i ddarparu sgôr. Pwysiad yr algorithm yw 2:1 o blaid dewis y myfyriwr, sy'n golygu bod eich dewis yn gorbwyso dewis Sefydliad GIG Cymru. Bydd y tîm Symleiddio i Fyfyrrwyr wedyn yn cyhoeddi'r dyraniad i chi, ac yn trosglwyddo'r wybodaeth i dimau Recriwtio PCGC i roi cychwyn ar eich gwiriadau cyn cyflogaeth.
2	Pwy sy'n cael bod yn rhan o'r cynllun?	Ar hyn o bryd, mae'r cynllun hwn ar gael i'r myfyrwyr sy'n astudio am y graddau canlynol: • Nyrsio Iechyd Meddwl • Nyrsio plant • Nyrsio oedolion • Nyrsio Dysgu Anableddau Yn y prifysgolion canlynol yng Nghymru: • Prifysgol Bangor • Prifysgol Caerdydd • Prifysgol Abertawe • Prifysgol De Cymru • Prifysgol Glyndwr
3	Pryd cychwynnwyd y broses	Cyflwynwyd y broses Symleiddio i Fyfyrrwyr yn 2016.

	Symleiddio i Fyfyrrwyr?	
4	Ydy'r cynllun hwn ar gyfer nyrsys yn unig?	Ydy, rydym ond yn agor y cynllun i fyfyrwyr nyrsio ar hyn o bryd. Fodd bynnag, rydym wrthi'n adolygu'r gofyniad ar gyfer gweithwyr ieuchyd proffesiynol eraill ar hyn o bryd.
5	Oes gwefan gennych chi?	Oes. Gallwch gael rhagor o wybodaeth drwy ddilyn y ddolen isod: http://www.nwssp.wales.nhs.uk/student-streamlining-scheme
6	Beth yw eich manylion cyswllt?	Cyfeiriad e-bost: NWSSP.Studentstreamlining.Enquiries@wales.nhs.uk
7	Pryd byddaf yn derbyn e-bost fydd yn fy hysbysu i fewngofnodi i wefan y Cynllun Paru?	Byddwch yn derbyn e-bost i gofrestru â'r Cynllun Paru oddeutu 6 mis cyn eich dyddiad cymhwyso. Bydd yr e-bost hwn yn cynnwys dolen i'r wefan a manylion ar sut i fewngofnodi.
8	Beth mae'r broses Symleiddio yn ei olygu?	Wrth fewngofnodi i'r Cynllun Paru am y tro cyntaf, bydd gofyn i chi gytuno â'r Telerau Defnyddio yn unol â Rheoliad Diogelu Data Cyffredinol a'r defnydd o'ch gwybodaeth. Ar ôl i chi greu cyfrif, bydd gennych fynediad i lenwi ffurflen gais, sy'n cynnwys cwestiynau sy'n Seiliedig ar Werthoedd a Gwybodaeth Fonitro. Byddwch wedyn yn gallu gweld yr holl swyddi gwag sydd ar gael sy'n cael eu cynnwys yn y Cynllun Paru cyn i chi lunio rhestr o bedair swydd wag mewn trefn sydd orau gennych."
9	Pryd fydd y sefydliad yn derbyn fy ffurflen gais?	Yn dilyn y cyfnod lle bydd y myfyriwr yn creu rhestr fer, bydd Rheolwyr Recriwtio wedyn yn gallu mewngofnodi i'r Cynllun Paru er mwyn adolygu'r ceisiadau a gyflwynwyd ar gyfer eu swyddi gwag.
10	Am ba swyddi gwag fydd	Darperir yr holl swyddi gwag i'r tîm Symleiddio i Fyfyrrwyr gan Sefydliadau GIG Cymru sy'n cymryd rhan yn y cynllun, cyn lansio'r Cynllun Paru ar gyfer myfyrrwyr. Mae'r sefydliadau'n gweithio'n galed i

	modd i mi ymgeisio?	sicrhau eu bod yn cynnwys yr holl swyddi nyrsio gwag sy'n gymwys i nyrsys sydd newydd gymhwyso wneud cais amdanynt. Pe bai'r Byrddau Iechyd yn nodi unrhyw swyddi gwag pellach sy'n addas ar gyfer nyrsys sydd newydd gymhwyso yn ystod y cyfnod lle bydd y myfyriwr yn creu rhestr fer, bydd y tîm Symleiddio yn cael ei hysbysu ac yn anfon cyfathrebiad at fyfyrwyr a fydd wedyn yn gallu gweld y swyddi hyn ar y Cynllun Paru.
11	Beth yw nodau'r Cynllun Symleiddio?	Mae tri phrif nod: 1. I recriwtio'r myfyrwyr iawn, â'r gwerthoedd a'r sgiliau iawn, yn y meysydd lle mae eu hangen ar yr adeg iawn 2. I ddarparu rhagor o gyfleoedd i fyfyrwyr i aros a gweithio yng Nghymru ar ôl graddio 3. I greu amgylchedd yn GIG Cymru lle mae ymlyniad myfyrwyr at wasanaethau Cymru a'r agenda Gymreig yn gryfach a lle mae eu swyddi yn fwy diogel.
12	Beth fyddai'r trefniadau os na fyddaf yn dechrau yn fy swydd yn syth ar ôl fy astudiaethau?	Rydym wedi datblygu Proses Uwchgyfeirio gynhwysfawr i helpu gydag unrhyw ymholiad nad yw'n dilyn y broses safonol fel yr eglurwyd uchod. Felly cyfeiriwch eich ymholiad atom trwy'r Broses Uwchgyfeirio yn y lle cyntaf. Ar ôl i'r Ffurflen Uwchgyfeirio gael ei chyflwyno, cysylltwch â ni drwy e-bost i drafod hyn ymhellach - NWSSP.Studentstreamlining.Enquiries@wales.nhs.uk)
13	Beth os ydw i wedi anghofio fy nghyfrinair ar gyfer y Cynllun Paru?	Cysylltwch â ni drwy e-bost a byddwn yn gallu ailosod eich cyfrinair ar eich rhan.
14	Beth sy'n digwydd os byddaf am newid fy newisiadau ar ôl y dyddiad cau?	Gofynnwn yn garedig i chi sicrhau bod eich dewisiadau wedi cael eu dethol cyn dyddiad cau llunio rhestr fer y myfyrwyr er mwyn sicrhau cysondeb a thegwch i bob myfyriwr. Fodd bynnag, os yw'r dyddiad hwn wedi mynd heibio a'ch bod yn teimlo nad ydych yn hapus â'ch dewisiadau mwyach, cysylltwch â ni drwy e-bost neu dros y ffôn i drafod yr opsiynau posibl.
15	A allaf newid fy nghais ar ôl i'r Cynllun Paru gau?	Bydd gofyn i chi gwblhau'ch ffurflen gais cyn i'r cyfnod lle bydd y myfyriwr yn creu rhestr fer yn dod i ben oherwydd nid oes modd newid eich cais ar ôl y dyddiad hwn

		Os ydych chi'n cael anawsterau wrth gyflwyno'ch cais yn ystod yr amserlen a neilltuwyd, gwnewch yn siŵr eich bod chi'n cyfathrebu â'r tîm Symleiddio ar y cyfle cyntaf gan y byddant yn gallu'ch cynorthwyo.
16	Sut caiff llefydd eu dyrannu?	Mae gan y Cynllun Paru algorithm mewnol a fydd yn cymryd yr wybodaeth o'ch ffurflen gais ac o ddewisiadau rhestr fer pob Rheolwr Recriwtio er mwyn darparu sgôr gyffredinol. Pwysiad yr algorithm yw 2:1 o blaid dewis y myfyriwr, sy'n golygu bod eich dewis yn gorbwyso dewis Sefydliad GIG Cymru. Bydd y tîm Symleiddio i Fyfyrrwyr wedyn yn cyhoeddi'r dyraniad i chi drwy'r Cynllun Paru. Ar yr amod eich bod yn fodlon â'ch swydd, nid oes angen i chi gymryd unrhyw gamau pellach nes y cewch eich gwahodd i gwblhau gwiriadau cyn cyflogaeth. Dylai myfyrrwyr nad ydynt yn hapus â'u swydd a ddyrannwyd iddynt gyflwyno Ffurflenni Uwchgyfeirio i'r Tîm Symleiddio i Fyfyrrwyr drwy e-bost iddynt eu hadolygu a'u hanfon ymlaen at Sefydliad y GIG / y Bwrdd Iechyd i'w prosesu. Ar ôl i'r cyfnod Uwchgyfeirio ddod i ben, ar ran y myfyrrwyr nad ydynt yn fodlon â'u dyraniad, bydd y tîm Symleiddio yn uwchlwytho manylion i Trac er mwyn i Wasanaethau Recriwtio PCGC brosesu llythyrau cynnig Amodol a chychwyn gwiriadau cyn cyflogaeth.
17	Pa sefydliadau sy'n rhan o'r cynllun hwn?	Mae pob sefydliad yn GIG Cymru yn rhan o'r Broses Symleiddio i Fyfyrrwyr.
18	Pwy yw'r Cysylltiadau Allweddol yn y Brifysgol?	Prifysgol Bangor – Lynne Williams, Lynne.Williams@bangor.ac.uk Prifysgol Caerdydd - Alex Harmer, HarmerA1@cardiff.ac.uk Prifysgol Abertawe - Jayne Cutter, J.Cutter@Swansea.ac.uk Prifysgol De Cymru - Mark Broom, mark.broom@southwales.ac.uk
19	Pwy ydy Cysylltiadau Allweddol sefydliad y GIG?	BIPAB - Carolyn Middleton / Ann Bentley BIPBC - Anne-Marie Rowlands BIPCTM - Sharon Page BIPCF - Lisa Evans BIPHD - Angela Griffiths BIAP – Natasha Clowes BIPBA - Guy Holt / Lynne Jones

20	Oes modd i mi gael cymorth gyda fy nghais?	Mae'n ofynnol i fyfyrwyr lenwi eu ffurflenni cais gyda'u hatebion unigol eu hunain, ond pe bai angen cymorth pellach arnoch, cysylltwch â'r tîm Symleiddio trwy e-bost.
21	Ydy'r cyfnod pedair wythnos i fyfyrwyr wneud cais yn berthnasol i bob myfyriwr?	Ydy. Mae'r cyfnod pedair wythnos yn berthnasol i bob myfyriwr o fewn carfan. Mae'r Cynllun Paru yn system fyw sy'n golygu y gall myfyrwyr fewngofnodi er mwyn newid eu gwybodaeth a / neu eu rhestr fer yn ystod y cyfnod byw.
22	Beth os oes gen i wyliau neu amser i ffwrdd wedi'i drefnu ar ôl i fi orffen fy addysg?	Os ydych chi'n bwriadu cymryd amser i ffwrdd cyn i chi ddechrau ar eich cyflogaeth yn eich swydd a ddyrannwyd i chi, rhowch wybod i'r tîm Symleiddio. Byddant yn gallu cysylltu â'r Rheolwr Llinell i sicrhau ei fod yn ymwybodol o hyn a'i fod yn cytuno i chi oedi cychwyn eich swydd*. *Sylwch fod y trefniadau hyn yn ddibynnol ar ddisgresiwn y Bwrdd Iechyd / Rheolwr Llinell.
23	Fe'm cynghorwyd na ddylwn siarad â darpar reolwyr llinell nac ymweld â hwy. Ydy hyn yn gywir?	Anogir myfyrwyr i gyfathrebu â chynrychiolwyr y Bwrdd Iechyd yn ystod Digwyddiadau Arddangos / Sesiynau Galw Heibio lle bydd Rheolwyr Recriwtio yn bresennol. Ni all Byrddau Iechyd eich cyfweld yn ystod y digwyddiadau hyn; ond mae croeso i chi gwrdd â nhw'n anffurfiol a chysylltu â nhw pan fyddwch chi'n teimlo'r angen i wneud hynny. Rydym yn eich croesawu a'ch annog i fynychu'r sesiynau galw heibio hyn yn eich prifysgolion ac unrhyw ddigwyddiadau a welwch o fewn Byrddau Iechyd sydd o ddiddordeb i chi er mwyn i chi rwydweithio â'ch darpar Reolwyr Llinell posibl ac adeiladu a chynnal perthynas gref â nhw.
24	Beth os yw'r swydd rydw i ei heisiau ar NHS Jobs yn lle'r Cynllun Paru?	Ni ddylai unrhyw swyddi gwag gael eu hysbysebu ar wefan NHS Jobs sy'n gymwys i nyrsys sydd newydd gymhwyso wneud cais amdanynt gan y dylid cadw'r swyddi gwag hyn yn y Cynllun Paru. Mae mwyafrif y swyddi gwag ar NHS Jobs naill ai'n gofyn am gychwyn ar unwaith a/neu mae angen profiad blaenorol o fewn rôl debyg, sy'n golygu nad yw nyrsys sy'n fyfyrwyr yn gymwys i wneud cais amdanynt. Os ydych chi'n ymwybodol o swydd sydd ar gael sy'n addas ar gyfer Nyrsys sy'n Fyfyrwyr nad yw'n cael ei harddangos ar y Cynllun Paru ond sy'n cael ei hysbysebu ar NHS Jobs, rhowch wybod i'r tîm

		Symleiddio. Bydd y tîm wedyn yn rhoi'r wybodaeth hon i gysylltiadau allweddol y Bwrdd Iechyd a fydd yn adolygu'r hysbyseb. Pe cytunir bod y swydd hon yn agored i geisiadau gan Nyrsys sy'n Fyfyrwyr, bydd y swydd wag yn cael ei hychwanegu at y Cynllun Paru a bydd ar gael i fyfyrwyr ei dewis yn ystod y cyfnod llunio rhestr fer.
--	--	--

